



21934

III Mag. St. Dr. P

Balkomp

*Taraleia Seb. fons. Aqua Martin. ad sudores in labo-  
ris honoris negotio diluendos D. Albertus Papenb.  
vic. libraria atque deducta.*


PANEG. et VITAE

Polon. Fol.

Nº 921.



Biblioteka Jagiellońska



stdr0004670



M

D.

Sa

B

Can

S

D.

Sa

Pro

M



A Q V A  
M A R T I A

Ad Sudores in laborioso honoris negotio diluendos

CLARISSIMO & ADMODVM REVERENDO DOMINO,

D. ALBERTO PAPENKOWIC,

V S T I E N S I,

Sac: Theologiæ Doctori & Professori,

COLLEGÆ MAIORI

Ecclesiæ Collegiatæ S. FLORIANI Custodi,

Protonotario APOSTOLICO,

Cancellario Lanciciensi, Contubernij Staringeliani Prouisorij.

D V M

Sub Felicissimis Auspicijs,

*Magnifici, Perillustris & Admodum Reuerendi Dñi,*

D. STANISLAI IVRKOWSKI,

Sac: Theologiæ Doctores & Professores,

Protonotarij Apostolici, Præpositi S. FLORIANI

Custodis Opatouiensis,

Scholarum Collegij Vladislauiani Prouisoris,

Studij Almæ Vniuersitatis CRACOVIENSIS,

Procancellarij Dignissimi,

ET

GENERALIS RECTORIS

PER

M. SEBASTIANVM IOSEPHVM TARALICZ,

*Philosophiæ Doctorem & Professore, Contubernij Staringeliani Seniore.*

Publici Applausus & Obseruantiae gratiâ

LIBRATA ATQVE DEDUCTA.

Anno Salutis 1666. Die 22. Mensis Februarij,

CRACOVIÆ. Apud Hæredes & Succ. Lycæ Kupisz, S. R. M. Typogr.



CLARISSIMO & ADMODVM REVERENDO DOMINO,

# D. ALBERTO PAPENKOWIC,

Sacrae Theologiae DOCTORI,  
Domino & Patrono Fauentissimo.



*Ulcem credo aliquam in hodierno honoris, atq; muneris negotio expectabas à me eloquij ambrosiam, Clarissime & Admodum Reuerende Domine; sperabas forte à fontibus exundantis facundiae boni alicuius nectaris laboribus tuis reficiendis, atq; sudoribus diluendis liquores obuenturos: ecce verò dùm in tanto spectaculo Aquas Tibi Martias represento, vultum tuum grauitatis Maiestate, & virtutis splendore conspicuum cum verecundia extimesco. Si etenim gloriosas naturae tuae dotes inspicio, amplissima: si ingenium admiror, felicissimum: si virtutum maximarum studia expendo, perfectissima: si humanitatis diffusos in quemuis affectus considero, largissimi: si perfectionem in eruditionis atq; scientiarum studio contemplor, exactissima: si deniq; omnia ornamentorum genera, omnia dignitatis decora in te venerari expostulo, haec sunt fateor augustissima. Atq; vel hac ipsa meritorum amplitudine perterritus cum humili sermonis mei riuiulo, & cum dioptra ex arte profluentis Martiae in publico non auderem comparere applausu, nisi tales aquae in honorem Fauni mense Februario ad Sacrificia applicari solita, arcanam complecterentur in se virtutum tuarum in symbolo rationem. Quare Vir Clarissime, dùm per vastissimos tuorum meritorum campos vnda mea vericandoris puritate conspicua decurrent, vtinam oculis tuis ad amantem arrideant, & iuxta veritatis aequitatem tibi blandiantur. Et verò praesentis librationis meae aquas, tua menti vel ideo placitur as spes optima pollicetur, quod cum teste Melisso, Thalete, & Hesiodo in aquis rerum omnium sit origo atq; initium, nulla in re euidentius Schema omnium virtutum tuarum melius depingi poterat, quàm in ipso fontis limpidissimi emblemate. Præteream ego aquarum puritatem caelestium orbium colores imitantem tuo candori applicandam: quia præter eiusmodi comparationem nulli non candidus comprobaris; taceam facilem vndarum naturam atq; flexibilem perbellè bonitatem naturae tuae designantem: quia extra talem imaginem, ad quauis lenitatis atq; bonitatis facinora facillimus esse agnosceris: non commemorem augmenti, atq; alimenti rationem à plerisq; animantibus conseruanda vitae gratiâ expeti solitam designandae humanitati tuae conformem; quia ad humanitatem natus in humanitate viuere albo cuiusuis candidi pectoris calculo collaudaris. Sileo in icone affabilitatis tuae depingenda, ab aquis ornamenta pratorum, decora hortorum, florum incrementa, sylvarum, montium, regionumq; delicias prouenire; quia*

sic

sic cuiusq;  
pteris; A  
palam per  
hendam e  
pa, ab al  
nonne t  
censebit  
RIANV  
Toroni  
ni Pro  
patru  
felicissim  
artificios  
hominum  
bili man  
ram glori  
eiusdem  
Religio  
in Colon  
tissimi la  
suis prof  
am ista  
brauit.  
nominu  
tur.  
mentes  
Aquis  
non mo  
tione  
eundem  
præteri  
difficiles  
Theolog  
pagina  
randis  
nio me  
potè on  
cræ T  
Domini  
stigio  
nominu  
beneuol  
confirm  
tua no  
hodiern  
die cū  
te nobi  
aliqua  
nominu  
debita



sic cuiusq; genio prudentissimis alloquijs tuis arrides, ut cum desiderio diuturnioris presentiae ubiq; acce-  
 peris; Missas deniq; facio, & alias bonas quarumvis aquarum dotes: quia ultra harum similitudinem  
 palam perutili integritatis diluvio exundas. Aquarum tamen gloriam, quas Martias dixi ad tua tra-  
 hendam encomia praeterire non possum: si etenim tales aquae ab Anco Martio, à Martio Rege, à M. Agrip-  
 pa, ab alijsq; Magnis Magnae Urbis Romanae viris suam iactant originem, suumq; commendant principium:  
 nonne tu Vir Clarissimè iustius dexteritatis tuae atq; virtutis, prima initia gloriae singulari adscribenda  
 censebis? qui ab eximio Viro Iacobo Vstienſe, S. Theol. & Iuris Vtrinſq; Doctore, ad S. Flo-  
 rianum Praeposito, Librorum per Cracouienſem Diœcesim Ordinario Censore:  
 Toronienſis Caluinorum execrandi Monſtri proſtigatore, primo Curſus Vladislauia-  
 ni Professore, atq; toties Fascium Academicorum Rectore, qui inquam à tam eximio Viro  
 patruſui amantissimo eruditionis atq; probitatis desumptis principijs, in sublimes honores atq; gloriae  
 felicissimo pede decurris ascensus. Etsi iterum ego origine nobilem respexero, Martiam, & ecce illa  
 artificiosus, per aliquot millia passuum in Urbem decurrit libris, nec à Curſu conquiescit, donec ad vsum  
 hominum exoptatum delabatur; quid aliud tu Vir Clarissime attentasti, qui satis laboriosos passus in ſta-  
 bili manens proposito ad eum finem suscepisti, ut multorum in commodis profuturus, aeternum perennatu-  
 ram gloriam tibi compares. Atq; vel inde duplici lauro in Philosophico coronatus studio, dogmatibus  
 eiusdem scientiae instituere Religioſam iuuentutem minimè renuiſti, ex cuius studij beneficio, nunc Magnis  
 Religioſis florentissimagaudent Doctores. Commendarem hic quoq; curam singularem, quam olim sustinueras  
 in Colonia Biatensis regimine, nisi eandem amore suo in te Illustrissimi Radziwielij tuorum gra-  
 tissimi laborum plerisq; indicijs, iam ante sufficienter commendassent. Celebrarem in Vladislauiani Cur-  
 ſus professione, & in Decanatus Philosophici dignitate solers studium, atq; nobilissimum ingenium, sed eti-  
 am ista omnia Academicus Maiorum consensus te vocando ad Collegia ex aequitate in vim praemij cele-  
 brauit. Dicerem ex institutis Illustrissimis Demetrio & Constantino Wisniouicijs Ducibus memorandas  
 nominis tui laudes, sed has ipsimet beneficij tanti memores in diem hodiernam Magni Principes eloquun-  
 tur. Profectò quidquid commodi in instituenda hominum indole ex prudentissimis quibusvis viris in  
 mentes mortalium aliquando profluxit, hoc ex te in generosas plerasq; mentes, tanquam ex Martijs  
 Aquis in populum Romanum feliciter atq; glorioſè dimanauit. Quia verò fontem eiusdem Martiae  
 non modò hominum communi vsui, sed etiam sacrificijs, festis publicis, Deorumq; aris perutilem ex le-  
 ctione esse didici, non abs re esse existimem, si te quem in humanae scientiae studio absolutum cognoui,  
 eundem in Diuinae sacrae paginae institutis exercitatum admirer. Etenim cum iam tres Olympiades  
 praeterierint, ex quo mysterijs Diuinae sapientiae propalandis, & ex arduo eruendis inhiis; cum per-  
 difficiles Magistri Sententiarum Libros legendo, cum diligentia atq; cum dignitate confeceris; arduasq;ue  
 Theologicis Studijs Theses publico examini atq; disputationi prudentissimè proposueris, nemo te in caelesti  
 pagina negabit ex-asse versatum, doctè institutum, ingeniosè sapientem. Nequè mihi in tantis compa-  
 randis laudibus blandientis animi suspensionem extimo ſcendam esse censeo; quemadmodum enim teste Pli-  
 nio meliores Martijs nullas alias aquas approbavit Roma; ita hæc eadem Vir Clarissime tuas dotes, ut  
 potè omnibus probatissimis Viris pares libentissimè coronauit; ubi in publico sapientiae suae spectaculo Sa-  
 crae Th. Doct: fecit, approbavit, proclamauit. Adeò quippè tua dignitas in hocce obtento honore urbi  
 Dominae complacuit; ut eidem firmandæ, gratissimè te excipiens vultu supremus è Vaticanæ sedis fa-  
 stigio, in terris Dei Vicarius, manum benedictionis paternæ admouisset. Verùm quid ego in cobonestanda  
 nominis tui praestantia elaboro, quem licet praclarè factorum tuorum amplitudo ad id ipsum induxit,  
 beneuolentia inclinauit, effusissimè humanitatis officium informauit, apertissimè probitatus documentum  
 confirmauit, nihilominus cum ut aquae fortissimæ quædam non quouis vase, ita praestantissimæ virtutes  
 tuae non qualicumq; ingenij mei opere comprehendi possint; manum tollo ex tabula. Loquatur pro me  
 hodiernus tantæ dignitatis gradus, & qui quouis purpurati Senatûs Academici ore atq; consensu nobis ho-  
 die cum publico festiuae acclamationis applausu obuinit celebrandus; in perennes idem annos, felicissimè  
 te nobis incolumi existente bonâ sorte, bono omine celebretur. Ego interea degustato Martiae puteo, ut  
 aliquando Delphici Apollinis Vates, praesentis negotij applausus solemnes, venerationis gratiâ, carmine tuo  
 nomini sacro decantabo. Quae omnia ut beneuolus humanissimo fauoris tui gremio complectar, cum  
 debita officiij mei tibi multam obligati promptitudine expostulo.



# ODE DICOLOS TETRASTROPHOS.



Ymp̃ha Parnassi sociata Cliuo,  
Docta per dulces modulante plectro  
Ferre concentus, tibi dũ perustus  
Feruēt Apollo.

Diffluos riui repetens susurros  
Fontis è vasto remeantis agro

Quæ canis cursus; Maris& per vndas  
Ludis in arte.

Laudibus pernix celebrare natas  
Fontibus dotes, & in amne quidquid  
Militat formæ, pretio, salutis,

Cuncta rependis.

De Camænarum grege fausta nostro  
Spiritus plectro, celeri fauore.

Confer: vt sim vel Triuiæ profundo  
Doctus in antro

Cardiæ fluctus taceam, nec imbres  
Aureos cæli referam, nec acres  
Eloquar termas, gracilesq; baias,

Munera Gangis.

Dona vel Tagi, fluuij; Nili  
Monstra vel solo metuenda visu  
Stridulos fontes properantis vndæ

Arceo de nunc.

Martium prono lubet artis ore  
Ducat vt pectus puteum, salubres  
Fundat vt guttas: abeatq; pleno

Martia fonte.

Virginem pueros refluam per agros  
Quæ suo mundet facili nitore,  
Quæq; viuaces faciat vigere

Corporis artus.

Ista Romano placuit colono  
Ista nutriuit populum Quirinum  
Ista Diuinis fuit in thearīs

Impia lauans.

Sed



Sed quid extollo melioris æui  
Gratias: quales fuerint aquarum  
Narro virtutes. Mihi si stat alto

Martia ductu.

Martiam PAPENKOVII salubrem  
Fonte quæ largo ruit, appetentes  
Vocis addictæ celebrate suavi

Carminē mecum.

Terra quæ nostris dabit ista Regnis,  
Fluminis quā munera parte cernam  
Tanta, Vir quantis nitet Vstiensis

Clarior orbi.

Ille non vili cadit ex canali  
Sed nec è duro salit ille saxo  
Non ab ignotis fluit actus aruis

Monte sed alto.

Mons erat mirè Patruus virescens  
Quo super laurus viruit ter acta  
Circulo terno, decorata terno

Munere montis.

Lumen hinc sacrae tenebrosa chartæ  
Surgit, illustrans loca; nec fidelis  
Abfuit Iuris Lydius, Sophum nec

Circulus absens.

Has togatorum stetit inter aras,  
Publicè si quid libuit legendum  
Ferre, scriptorum calamis valorem

Sparsit Apollo.

Vstiensis vertice mons ab alto  
Fulsit in tantum capitis decore,  
Phæbus, ut quantum radiat per arces

Luce Latinas.

Pulsa secessit socialis ex hinc  
Vis, graui nostris inimica zelo  
Pulpitis, Romæ separata iustæ

Codice legis.

Inde Caluinus Toruni vibratas  
In Dei rem pestiferas sagittas  
Fregit, infectis aciem triumphis

lecit inanem.

Vicit hos magno patruus labore,  
Fortibus posthac retinenda scutis.

B

Duxit

Sed



Duxit in Lecho docili, bonoq;  
Pectora Stoæ

Martæ nodosæ rationis ille  
Primus in Cracæ Sophiæ theatro  
Quæ Vladislano pretio tenetur  
Currere suavit.

Dignus vt fasces regeret lagellos  
Hos quibus gaudet populus per altas  
Liberæ vitæ reuocatus auras

Lumine mentis.  
Nunc ab hoc cliuo venientis vndæ  
Quo ruit fluctus videamus; altis  
Alueis currit, graditur per altos  
Flumine colles.

Ille Mitratos procerum penates  
Doctor inuifit, dedit ille celsis  
Mentibus Styrbis melius Ducalis  
Dogma salutis.

Ille Bialensem tenuit palæstram  
Principi Magno, placidus, bonusque  
Radziuilinos habuit fauores  
Tempus in omne.

Inde Collegis sociatus his, quos  
Primus admisit gradus ad supremos  
Ire progressus: stetit ast & altam.

Sumptus in aulam.  
Quæ sibi doctas solidæ Mineruæ  
Expetit mentes, numeroque Patrum  
Hunc Virum duxit grauitas honoris  
Esse legendum.

Hinc Sophum doctæ placuit cateruæ  
Post, ducem quæ purpurea togatum  
Veste laudaret, dubios scientem  
Soluere nodos.

Arduos cursus studij sophorum  
Lusit & felix, refluens per arctos  
Alueos artis, tulit omne punctum  
Diuite fluctu.

Curris heus faustus tibi, laborisque  
Nilus vt laxos remeans in agros  
Dona cum cursu reuehit tumentis  
Largus in vndis

Flumen



Flumen hoc Wisniowiecios ad artus  
Cessit, vndis Demetrium rigauit.  
Fratre cum Magno, dedit ampla lotis

Dogmata vitæ.

Ergo sat iam sit, redeat nec inde ;  
Dulce si Baias Dominis habere  
Fonte sub tanto ? taceat proteruæ

Fabula linguæ.

Currit vltra plus, properatq; gressu,  
Ipsius sacri pelagi profundas  
Currit in sedes, reseatque miro

Ardua cursu.

Quæ Magister proposuit docenda,  
Sacra quæ sensit, legit ille, solis  
Perquæ bis septem, docuit recursus

Scire sacrarum.

Quæ Sibyllino meliora voto  
Protulit, cunctis licuit videre  
Arte sed natum, sine Marte frangi

Non tulit audax.

Victor in tantis melior triumphis  
Non satis celsæ fieri Mineræ  
Dixit in regno, tenet ergo terræ

Regna Quirinæ

Limen ad sacrum varias per oras,  
Pergit, & discit breuiore sæclo  
Mos quis, & quænam generi decoris

Cura cuique

Quis situs regnis, socialis atque  
Vita, naturæ faucantque dona  
In quibus terris, faciatue quænam

Ars ibi mira.

Iamque Romani caput orbis exstat  
Ille quod tandem bene visitauit  
Et sacram iustis meritis reposcit

Fertq; coronam.

Namque præcelsum radiantis aulæ  
Culmen, in docto sibi dat senatu  
Præsciam Laurum, viridem triumphi

Munere palmam

Sic Coronatus petijt moderni  
Præsulis summi faciles in aulam





Sumpsit & felix aditus; tulitque  
Verba loquentis.

O mihi faustos remeantis vndæ  
Nobiles cursus, redeant beati,  
Monte de summo, properent in oras  
Currere nostras.

Stant & in riuo Lechicis sacrato  
Iure Musis, conficiunt petendas  
Hinc aquas; Termasque salutis vndant  
Gurgite vasto.

Ire iam vobis liceat per altum  
Cælitus natæ pelagus Mineræ  
Fas sit & sacri maris in profundos  
Pergere fontes

Sacra quos scripsit propriè Magistros  
Iam Schola, en cuncti numero suorum  
Voce te poscunt socium probantque  
Omine dextro.

Viue ter votis, precibusque ternis  
Poscimus, quos non latet alta mentis  
Quam bonæ virtus, facilisque largæ  
Dextera fortis.

Candor ignaras habet haudque mentes,  
Laudat effusos animi fauores  
Quisquis expertus scit, & ampla quemq;  
Mens tua vidit.

Viue Staringli Domus ardet ore,  
Sueticas per te sibi quæ ruinas  
Esse non nouit nocuas, resarta  
Dat tibi cultum.

Quos alumnos hæc habet ipsa poscit  
Viue, nam cernit sua cuique iura  
Esse sub iusto; satiatur omni  
Te parte victu.

Suasit hæc plectro Dea nata nostro  
Hos tulit cantus rediensq; risit  
Colle de celso, caput in tuumq;  
Flexit honorem.

